

■ COLUMNA

## Co es quai cha la naivetta...

DAD AITA DERMONT

*Co es quai cha la naivetta croud'e crouda d'ün cuntin?*

*Taidla, taidla ma figlietta: sü in tschèl es ün muglin  
e quel moll'e moll'adüna, bod plü pac e bod plü bler  
e la naiv es la farina ed il Segner mugliner.*

*Men Rauch*

**E**gia ma perd jau en la nostalgia dals bels temps da mia uffanza (er sche jau sun be 50), nua ch'ins stueva anc emprender a recitar poesias e nua ch'i deva propi anc naiv che crudava e zugliava tut, sco en las paraulas...



**E**d il di suenter, natiers cun Eils skis e far pista dadens il vitg u ir cun scarsola sin la naiv

battida che sgriziava sut ils pes, giu sur sil siglioc  
«our d'via, our d'suot  
chi vain Barduot»  
u suenter scola anc ir cun ils patins, star fin ch'i vegniva stgir e lura, turnond a chasa cun las pluodras (amias) en la fradaglia, tuttenina il patin tatgà vi dals lefs. E cridar dal mal, ed en davos pignia, ils pes che sdregliavan, e bazegner tat che als sfruschava e ma cuffortava cun istorgias e cun ina cocca da Disch...

**C**hala (smetta) ussa, cun tia nostalgia, ma das ti – cun raschun – ina cun il cundun.

«Igl è da viver en quest mund. Tut n'era betg be bun, er pli baud betg.» Cler, quai n'ha jau er betg pretendi.

**J**au sai che jau sun ina fantasta terribla, che jau sun buna da ma laschar encrescher per quest e per tschai, che jau hai savens il chau per la bostga e che jau sai star uras a m'imaginar co ch'i pudess esser auter.

**M**a lura ès per cletg ti qua e Ma bintgunas: «Dai, ve puspè cun ils pes sin terra.»  
Gea, i dat inqualgiada bain ina scuassada cun sa tschentar, ed i fa magari er in zic mal. Ma gist

il squass fa vegnir allerta. Fa avrir ils egl. Nua essans? Co èsi...

*Co è quai che la naivetta na crouda betg pli?*

*Co è quai ch'il mulin è daventà chanun?*

*Co è quai, sche l'aua chala e stali-va?*

**C**hala, chala cun tias visiuns da horror. Igl è da viver en quest mund. – Gea. I va gia vers Chalandamarz.

«...nova vita gia s'avanza cun sa forz'in prà e god prümvaira nossa spranza...»\*

\*chanzun da Chalandamarz